

Spočatk w lěće 2000

Jako so 28.01.2000 w Heldec hospodže 9 wosobow wo kulturnym žiwjenju wsy rozmyslowachu, eksistowachu hižo 11 wšelakich towarstwow w Njebjelčanskej gmejnje. Wuchadžejo z toho, zo maja so nadawki wokoło mjezynarodneho gmejnskeho swjedženja, partnerstwow z wukrajnymi komunami - pólskimi, čěskimi, madžarskimi a francoskimi - kaž tež rozwiwanje touristiskeho wužiwanja Heldec hospody abo natwar informaciskeho srjedžišća spjelnić, je trěbne za to nowe towarstwo.

Dnja 11.04.2000 załoži so Njebjelčanske Domizniske a kulturne towarstwo z.t. ze 16 zapisanymi čłonami. Předsydka bě Petra Waury, Ulli Schorcht městopředsyda, Marcel Hansky pokładnik, dalši čłonojo předsydstwa běchu Ralf Kellner, Edeltraud Zschau, Frank Geier a Tomaš Čornak. Pěstowanje dwurěčnosće napi-sachu sej na chorhoje a tohodla wobzamkny towarstwo hnydom přistup k Domowinje.

Wudžěłachu wustawki, zapisachu so jako towarstwo z powšitkownej wužitnosću, zetskachu so z Janom Nukom, předsydu Domowiny a wopytachu partnersku gmejnu w Namysłowje. Z toho časa wobdžěła so towarstwo aktiwnje na kulturnym žiwjenju gmejny. Měsačnje so čłonojo w Heldec hospodže zekawaja a Kamjenski Karli je kruće jako diskotekar z gmejnju zwjazany.

Kóžde lěto na mjezynarodnym gmejnskim swjedženju wuhotuje towarstwo jedyn wobraz w swjedženskim čahu, Ulli Šorcht stara so wo zwukowu techniku, wohnjostroj, laserowu pokazku a tamni předawaja jědź na swjedžeńskej łuce.

K přěnjemu adwentej organizuje towarstwo po dorěčenju z knjezom fararjom a cyrkwiskim chórom po adwentnym koncerće w cyrkwi, hodowne wiki. Pěstowarske džěci předstaja krótki program a Karli-rumpodich jim potym wobradža. Stari a młodži haja tu wjesołu wjesnu towaršnosć.

Wot 2005 w lěću pokazuja někotři sobustawojo a hosćo zajimowanym přihladowarjam, kak so něhdy žně domchowachu. Kosa ma so klepać a wótríc, žito syć, woteběrać, powrjestwa kłasc, snopy wjazac a stajec k popam. K tomu sluša tež přestawka na mjezy pola, pije so kisała woda abo čaj, jě so šmałcowa abo butrowa pomazka.



Sobustawojo Domizniskeho towarstwa pomhachu při twarje předawanskeje budki - clownstwo, Torože, twarje wulkeje pjecy a mosćika přez Jaworu. Planowany Krabatowy dwór budže drje sej hišće někotružkuli dobrowólnu hodžinku džěta wot sobustawow žadać.

Swójbne wulěty z kolesom, wopyty a jězby do druhich kónčin Europy slušaja tohorunja do programa kaž małe swjedženje we wsy n.př. swinjorězanje.

Wot lěta 2005 wuhotuje towarstwo kulinariske, rustikalne jědže za skupiny wopytowarjow. Za to maja pak so hosćo zahe dosć přizjewić, dokelž ma so pěk sčasom zapyrić. Po přeću organizuje so tež spěwna zabawa.

[kontakt: přez gmejnski zariad Njebjelčicy](#)

Na wopyće w Barlebenje

Składnostnje "Dnja regionow" swjećachu wobydlerjo a hosćo Barlebena poslednju sobotu septembra 2009 swoju tradicionelnu kermušu gmejny.

Jury wuzwoli z žnjowych korbikow a płodow ze zahrody dobyćerjow w pječ kategorijach. W srjedźišću wšak steješe na tutym slónčnym popołdnu wuzwolenje kralowny žnjow.

Dale wubědźowachu so tam wo:

- najspodźiwniši płod ze zahrody
- najdźiwniše šerjenje do kała abo na škórcy
- najpyšniši kwěćel
- najrjeńšu budku za předawanje róžičkow, zeleniny a płodow ze zahrody

Domizniske towarstwo z Njebjelčic wudoby sej 2. městno ze swojim předawanišćom.